

卷九

書名 錦繡萬花谷後集四十卷 嘉靖十五年序錫山秦汴鑄石
書堂刊本後修
撰者 宋 闕名 撰
卷 卷九
內容分類 子-類書-彙考-宋
索書號 大木-子部-類書類-31
編號 C5924800

[彩色首頁1](#)

[東洋文化研究所漢籍目錄 編號: C5924800](#)

[東洋文化研究所漢籍目錄所藏漢籍善本全文影像資料庫 索書號: 大木-子部-類書類-31](#)

[漢籍善本全文影像資料庫文本錦繡萬花谷後集四十卷 嘉靖十五年序錫山秦汴鑄石書堂刊本後修](#)

版權所有: [東京大學](#) [東洋文化研究所](#)
[使用上的注意事項](#)

錦繡萬花谷後集卷之四

元日

微陽始布聲無不宜和神養素
義之月儀書曰日往月來元正首祚太簇告辰

端月燭寶典云元正端月

傳土唐長安風俗每至元日已後遞飲酒相邀迎號

傳出法苑珠林

放鄆以正朝獻雀於趙王而綴以五綵王大悅

申子順子順曰正朝放之求有生也出初學記

膠牙餠取膠固之義出荆楚歲時記

武帝正月賜群臣却鬼丸出碎事

金門歲節曰洛陽人家正旦造絲鵝蠟燕粉



錦繡萬花谷後集卷之九

宰相

賜筋表卿直宋璟為宰相朝野人心歸美焉時春御宴

帝以所用金筋賜璟曰所賜之物非賜汝金蓋賜卿筋

以表卿直也出開元遺事

朝野相賀楊綰久積公輔之望及拜相詔出朝野相賀

清白宰相慶曆中杜衍為相苞直貨殖不敢到其門時

號清白宰相

風流宰相王儉曰江南風流宰相惟有謝安出南史

朝廷有人趙德明言民飢求糧百萬斛大臣皆請以詔

書責之真宗問王旦旦請勅有司具百萬於京師詔德

明來取真宗大喜德明得詔慙且拜曰朝廷有人出行錄

直宰相言薛簡肅公天禧中爲江淮發運使辭文正公
公無他語但云東南民力竭矣薛退語人曰直宰相之
言也出湘山野錄

安排宰相王沂公曾布衣時以梅花詩獻呂文穆公云
雪壓喬林凍欲摧始知天意欲春回雪中未問和羹事
且向百花頭上開呂曰此生已安排狀元宰相也後果
然出古今詩話

不收恩避怨王沂公曾爲人方正持重在中書嘗謂大
臣執政不當收恩避怨公嘗語尹師魯曰大臣執政恩
欲歸已怨使誰當聞者歎服以爲名言

不呼名真宗初卽位對宰相皆不呼名呂端等拜拜懇
請帝曰公等顧命元老朕何敢比先帝乎實事

提一筆福蒼生劉夢得送令狐相詩云終當提一筆再
入福蒼生

黃閣漢舊儀丞相聽事閣曰黃閣

見管夷吾晉王導爲丞相桓彝見導極談世事還謂周
顗曰向見管夷吾無復憂矣晉書

八柱承天張說撰姚崇神道碑云八柱承天高明之位
列四時成歲亭毒之功成明皇雜說

玉堂宸翰鄭畋爲學士聞蹕聲出迎帝已升玉堂取案
上紙書云同中書門下平章事畋拜謝帝笑曰朕戲耳
畋曰唐叔剪桐周公以天子亡戲言况陛下宸翰焉可
爲戲帝不得已相之紀異錄

花押宰相判四方事有堂案處分百司有堂帖不次押

名曰花押國史補

不營產太祖謂侍臣曰范質但有所居宅不營產真宰相也太宗亦稱累朝宰相以為循規矩惜名器無出質之右者

大事不糊塗太宗欲相呂惠公或曰呂端為人糊塗帝曰端小事糊塗大事不糊塗決意相之並言行錄

撫夷夏和陰陽淳化五年上謂呂蒙正曰撫夷夏和陰陽使百度大理一人端拱此宰相之職也職源

引燭焚詔李沆為相真宗嘗夜遣使持詔問欲以某氏為貴妃公對使者引燭焚詔書但道沆以為不可議遂

寢言行錄

知大體前漢丙吉問牛喘或譏之吉曰宰相不親小事

調和陰陽職當憂掾吏以吉為知大體本傳

先遠業後小數後漢中興以後居台相揔持權衡者多

矣其能以任職取名者豈非先遠業而後小數乎故伏湛造次急於鄉射之禮侯霸入朝先奏寬大之令霸傳

柱石臣前漢丞相王商國家柱石臣也其人守正不詘節元后傳

模稜手唐蘇味道模稜持兩端故世號模稜手

安得一奇士唐武后謂狄仁傑曰安得一奇士用之仁傑曰張柬之雖老宰相材也用之必盡節於國張柬之傳

堂老宰相相呼故曰堂老國史補

七箸削寒溫李德裕在相位不以顏色假人南遷或作詩嘲之目視百僚亡七箸氣吞同列削寒溫雜記

朕之裴度慶曆中貝州王則反明鎬師久無功參政文
彥博請行上欣然委之凱旋除平章事及見上勞之曰
卿朕之裴度也

留取麻鞋

常索自禮部侍郎入相時潘瑒為舍人引麻

因戲之曰留取破麻鞋着及袞視事不浹旬果拜

南書

三日拂塵

劉慶德賀牛奇章拜相云待公三日拂塵埃

雲溪友

詩

左轄頻虛位今年得舊儒相門韋氏在經術漢臣須

○霖雨思賢佐丹青憶老臣應圖逢駿馬驚代得麒麟

沙汰江河濁調和鼎鼐新韋賢初相漢鮑叔已歸秦北

斗司喉舌東方領播紳廟堂知至理風俗盡還淳杜十

年紫殿掌洪鈞出入三朝一品身文帝寵深陪雉尾武

皇恩厚宴龍津○旗穿曉日雲霞雜山倚秋空劒戟明

敢請相公平賊後暫携諸吏上崢嶸○文武成功後居

為百辟師園林窮勝事鍾鼓樂清時並韓退之綠松窓對鳳

池開履迹衣香徧上台近王有官居鼎鼐無地起樓臺魏

御爐煙滿袖丞相出朝時韋須知金印朝天客同是沙

堤避路人麟鳳偶時皆瑞聖應龍無水謾通神詩玉鼎

昇黃閣金章謁紫宸在希

參政

押麻

淳熙玉堂雜記凡鎖院文臣職事官承務郎釐務

官通直郎以上明日赴文德殿聽麻宰相樞密皆不往

惟輪參政一員麻卷自內閣內啓御封兩吏對展宣贊

舍人南面擗笏叉手大聲摘首尾詞及階位姓名下數

句立所除之官而讀之不盡宣也聽訖到閣內官以授參政參政付中書吏百官不拜而退若大詔令及冊后之類則宰執文武百僚俱入

下丞相一等參政薛居正拜相制預大政於萬幾下丞相之一等續又楊億代表云副師尹之具瞻下丞相之一等

通知三省政事官制舊典云近詔復置參知政事二員通知三省政事

節度除不降麻丁謂自保信軍節度使知江寧召為參政中書以當降麻盛文肅為學士以參知政事合用舍人草制遂以制除丁其倦游錄之

善人李昉素與盧多遜善多遜知政事譏昉於上前人

有言於昉曰盧與我厚不當爾後盧敗昉知政事上言及盧事昉頗抹解之上因言盧多遜尋常毀卿不直一錢昉乃信上由此益重昉目為善人事實

薦人皆知名唐杜淹參預朝政所薦四十人後皆知名**魚頭公**魯宗道為參政忠鯁自任時人謂魚頭公蓋以骨鯁目之也

骰子選丁謂作參政楊文公賀之公曰骰子選耳何足道哉

風範端凝李沆嘗侍曲宴太宗目送之曰李沆風範端凝真貴人也俄拜參知政事

退思齋魯宗道為執政營一小室畫山水朝退獨坐謂之退思齋並國老閑談

詩雍容陪大政密勿贊洪鈞○在朝但覺民瞻聳參政
從知國勢高圃政事資參決樞機賴典司德顯奉宸綸
寵參陪國論公

樞府

武事任樞密文事任宰相武事任樞密樞密之任既重
宰相自此失職五代史

開南廳常事密院自行至涉邊則三省聚議謂之開南
廳家塾記

置院中書西國初循唐制即中書之北置樞密院元豐
改制遂變於中書之西續會要

賜乘險二字夏竦為平章事臺諫交言其非改樞密使
上親隸乘險二字以賜之初竦得二字憂懼既而文賜

文行忠信四字以勉之竦方釋然職源

賜軍戒三篇國朝興國八年王顯充樞密使上召謂曰

卿代非儒門少懼兵亂必寡於學問今在朕左右典掌
萬機固無暇博覽羣書命左右取軍戒三篇賜之曰讀

此亦可免於面墻矣分紀

用宣及頭子郭崇韜安重誨為樞密使始分領政事不

由中書直行下者謂之宣如中書之敕小事則發頭子
擬堂帖也至今樞密院用宣及頭子家塾廣記

得人王德用樞密仁宗朝再入樞府是時富弼偕契丹
使來德用伴射使者曰天子以公典樞密而用富為相

可謂得人矣職源

帳中召問計後唐時魏州陷於梁澶淵之間寇益日至

民流地削軍殊不給莊宗計無所出郭崇韜時為樞密使莊宗獨卧帳中召崇韜問計五代

行東院印後唐樞密使凡東西院二員國朝亦有東院

西院但行東院印會要

尚書

賜劔因名表意漢章帝賜尚書劔一手署姓名韓凌淵深有謀故得龍泉郅壽明達有文章故得文劔陳寵敦朴有善於伏不見於外故得銀成劔皆因名而表意觀

漢記

八座比文昌劉洎疏曰八座比於文昌三丞方於管轄

舉扇一揮梁蕭子顯為吏部尚書性凝簡負才氣見凡

流賓客不與交言但舉扇一揮而已衣冠切恨之

李義王丘崔沔掌吏部比日獲當時之譽時

人為之語曰李下無蹊徑職源

晉山濤為吏部尚書所奏甄拔人物各有題

目時稱山公啓事本傳

王琚佐明皇平內難為戶部尚書帝於琚眷委

特異號內宰相本傳

早拜蔡景歷拜度支尚書舊或拜官在日午後景歷拜

日適乘輿幸元武觀恐景歷不預特令早拜南史

從獵洛陽唐儉為民部尚書從獵洛陽苑羣豕突出帝

射四發輒獐四豕一豕躍及鎗儉投馬搏之帝拔劔斷

豕顧笑曰天策長史不見上將擊賊耶何懼之甚對曰

陛下以神武定四方豈復快心於一獸帝為罷獵

清成尚書鍾離意爲尚書詔以贓物賜百官意得珠玉獨委地不拜曰此贓汙之物臣不敢受命曰清哉尚書以庫錢二十萬賜之本傳

乘欵段馬唐李懷遠除兵部尚書雖久居榮位彌尚簡率乘欵段馬豆盧曰公榮貴如此何不買駿馬乘之答曰此馬幸免驚蹶無暇別求聞者嘆服

我床非閹人坐羊侃爲都官尚書宦者張僧胤候侃侃曰非閹人所坐竟不前之時論美其貞正梁書

談風月徐勉爲吏部尚書嘗與門人夜集客有求詹事五官勉正色曰今夕止可談風月不宜及公事通鑑

不能書紙尾蔡廓爲吏部尚書因傳隆問傅亮選事若悉以見付不論不然不能拜亮以語錄尚書徐羨之羨

之曰黃門以下悉以委蔡自此以上宜共參同異廓曰我不能爲徐于木書紙尾遂不拜于木羨之小字也南史

麟之爲心腹唐裴光庭爲吏部尚書以門下主事王麟之爲心腹每麟之裁定光庭隨而下筆時語曰麟之口光庭手本傳

侍郎

衣冠華選燕公曰侍郎自皇朝以來爲衣冠華選自非履歷清要望實且美者無以居之職源

判朱紱韋陟嘗任吏部侍郎有一致仕官叙五品陟判之曰青氍展慶曾不立班朱紱承榮無宜臥拜時推其強直

嘲屏牆遮賢路唐溫彥博爲吏部侍郎有選人裴略被

放乃自贊於彥博稱解嘲諛彥博即令嘲弄墻略曰高下八九尺東西六七十步突兀當廳坐幾許遮賢路彥博曰此語似傷博畧曰擬援公筋何止傷膊博慙而與官

唐新語

前裴馬後盧李高宗時裴行儉馬載為吏部最為稱職及是盧從愿李朝隱同時典選時稱四吏部前有裴馬後有盧李分紀

左戶唐戶部侍郎有二員判使案者別一署謂之左戶元和後選舉華重為申此選崔羣既相孟簡代之職源

重宰相唐韋純字貫之為吏部侍郎取士抑浮華先行實于時流競為息嘗從容奏曰禮部侍郎重於宰相帝曰侍郎是宰相除安得重曰然為陛下東宰相者得

無重乎帝美其言本傳

兒郎有家風唐太宗以楊洪禮有文武材擢為兵部侍郎入掌機務出統衆攻戰太宗曰越公兒郎故有家風矣

朕得其人刑部侍郎唐太宗令執政妙擇其人奏皆不可曰朕得其人也往者李道裕議張亮反狀未具此言當矣遂授之唐書

白雲之司裴復除制云俾試白雲之司以黃帝時秋官為白雲也

不可任丞郎錢昱自白州刺史求文資遷工部侍郎連與數郡無治聲上謂宰相曰此貴家子不可任丞郎改

呈州團練使筆談

進官物結私恩唐李絳爲戶部侍郎憲宗問戶部故有

獻而絳獨無有絳曰臣爲陛下謹出納烏有羨餘若以爲獻是進官物結私恩帝瞿然悟本傳

私書盈几不省孔緯字化文歷戶部兵部侍郎吏部侍郎

郎選曹動循格令權要有所託私書盈几不省

瑞柳呂渭字君載遷禮部侍郎始中書省有古柳建中

末枯死德宗自梁還復榮茂人以爲瑞柳渭令貢士賦之帝聞以爲善本傳

錦繡萬花谷後集卷之九



